



UNIVERSITÄTS-
BIBLIOTHEK
PADERBORN

Ieremiæ Prophetæ Threni Carmine redditi

Latomus, Jacobus

Antverpiae, 1587

Diogenis Et Catonis De Furibus, & Anacharsis de legibus dicta.

[urn:nbn:de:hbz:466:1-69084](#)

Qui primus docuit victorem Marte superbū
 Annibalem trepida vertere terga fuga.
 Illa sed hoc positū perhibent constructā modoque,
 Atque ita vicinis continuata locis,
 Alterum ad alterius sua per compendia limen
 Duceret, atque viæ posset ut esse loco:
 Nec nisi Virtutis sacrum penetrale subiſſes,
 Fas tibi tangendi limen Honoris erat.
 Scilicet ut noscent mortales quisquis honores
 Posceret, huic virtus ante colenda foret.
 Quanquam præterita hac multi perrumpere ad illos
 Contendunt, scutica turba fuganda graui,
 Sic quoque non pauci Christi ingrediuntur ouile,
 At non per Christum qui via solus erat.
 Delitias etiam, atque ignaua per ocia multi
 Peruia celorum regna futura putant:
 Qum tamen illa pari vim Christus dicat, & in quæ
 Non, nisi perpeſsus plurima, fecit iter.

D I O G E N I S E T C A T O N I S D E
Furibus, &c. Anacharsis de legibus dicta.

Comprēnsum duci furem quum forte videret
 Is cui cognomen vita canina dedit,
 Magnus, ait, paruum rapit in sua vincula furem
 Sumpturus penas dignior ipse pati.
 Hæc Cynicus. Magni subscribunt dicta Catonis,
 Censuræ gestus quem celebrauit hōndis:
 Priuatas hominum res qui furantur, in arcto
 Carcere, dicebat, degere more feræ:
 Publica, qui rapiunt, prædaque implentur opima,
 Læta etiam sceleris præmia ferre sui.

Pur

Purpureos videoas illos, auroque nitentes
 Agmine seriorum terga sequente gradi.
 Nimirum telis similes quas texit Arachne,
 Iure queant leges dici Anacharsis ait.
 Constringunt inopem, perrumpunturque potenti;
 Huic parcunt, illi vincla crucemque parant.

QVIS VERE POTENS.

Nomine non falso qui se volet esse potentem,
 Ille suos animos, & fera corda domet:
 Nec sua fallaci deuicta libidine colla,
 Vnquam sustineat vincula foeda pati.
 India tota licet longè tua iura tremiscat,
 Ultima sit Thulæ subdita terra tibi,
 Si tamen haud animi potis es componere fluctus,
 Nomine mentito diceris esse potens.

DE SCRIPTIONE,

Ex Valer. Max. Lib. III.

SCipio Pompei partes & signa sequutus,
 Dum certat genero fidus adesse sacer:
 Cæsareo infelix superatur milite, victus
 Per maria Hispanos non bene tuta petat.
 Dumque ferox hostis fugienti instare sequendo
 Continuat, captam conspicit ille ratem.
 Pectora correpto sua mox transuerberat ense,
 Dumque capi non vult, occupat ante mori.
 Nec mora, dum celeri moribundus puppe iaceret,
 Aduolit ant hostes, de duce quisque rogat.
 Ille sed infesto postquam se milite sensit
 Quæri, nil aliud, Dux bene, dixit, habet.
 Tantillum vitæ pulchros seruarat in usus,
 Signa quod inuicti pectoris apta daret.

Dr